

摘藻堂四庫全書薈要

史部

欽定四庫全書薈要卷七千七十五

史部

資治通鑑卷八十九

宋 司馬光 撰

胡三省 音註

晉紀十一

起閼逢閼茂盡柔兆困敦凡三年

孝愍皇帝下

建興二年春正月辛未有如日隕于地又有三日相承

出西方而東行

天文占曰三四五六日俱出並爭天下兵作又曰三日並出不過三旬諸侯爭

為帝

丁丑大赦

有流星出牽牛入紫微

晉天文志牽牛六星在河

鼓光燭地墜于平陽北化為肉長三十步廣二十七步

長直亮翻廣右
曠翻後倣此

漢主聰惡之

惡鳥路翻

以問公卿陳元達以

為女寵太盛亡國之徵

考異曰載記元達等曰臣恐
後庭有三后之事按立三后在

明年於聰曰此陰陽之理何關人事聰后劉氏賢明聰所

為不道劉氏每規正之己丑劉氏卒諡曰武宣自是嬖

寵競進後宮無序矣

嬖卑義翻
又博計翻

聰置丞相等七公

七公見下

自晉王粲至中
山王曜是也

又置輔漢等十六大將軍

輔漢都護中
軍上軍撫軍

鎮衛京前後左右上下軍輔
國冠軍龍驤虎牙等大將軍

各配兵二千以諸子為之

又置左右司隸各領戶二十餘萬萬戶置一內史單于

左右輔各主六部十萬落

六部蓋胡羯鮮卑氏羌巴蠻或曰烏九非巴蠻也單音蟬

萬落置一都尉左右選曹尚書並典選舉自司隸以下

六官皆位亞僕射以其子粲為丞相領大將軍錄尚書

事進封晉王江都王延年錄尚書六條事

錄尚書六條事始見於此

沈約志曰晉康帝世何充讓錄表云咸康中分置三錄王導錄其一荀崧陸曄各錄六條事然則似有二十四條若止有十二條則荀陸各錄六條導又何所司乎若導總錄荀陸分掌則不得復云導錄其一也其後每置二錄輒云各錄六條事又似止有十二條十二條者不知悉何條也江右張華江左庾亮並經問尚書七條則

亦不知皆何事也余按宋元嘉以後江夏王義恭始興王濬南譙王義宣皆錄尚書六條事沈氏世仕江左歷位通顯且不知為何事後之人何所取徵杜佑曰何充讓錄表曰咸康中分置三錄王導錄其一荀松陸曄各錄二條事晉氏度江有吏部祠部左民五兵度支五尚書是五條也晉初有吏部三公客曹駕部屯田度支六曹太康有吏部殿中五兵田曹度支左民六曹蓋六條也如杜佑之言則六條蓋六曹也沈約以何充表各錄二條為各錄六條致有此誤汝陰王景為太師王育為太傅任顗為

太保馬景為大司徒朱紀為大司空中山王曜為大司

馬壬辰王子春等及王浚使者至襄國石勒匿其勁

卒精甲羸師虛府以示之

羸倫為翻

北面拜使者而受書浚

遺勒塵尾

遺于季翻塵腫皮翻麋屬尾能生風辟蠅蚋晉王公貴人多執塵尾以玉為柄

勒陽

不敢執懸之於壁朝夕拜之曰我不得見王公見其所

賜如見公也復遣董肇奉表于浚期以三月中旬親詣

幽州奉上尊號

復扶又翻上時掌翻

亦修牋于橐駝求并州牧廣

平公勒問浚之政事於王子春子春曰幽州去歲大水

人不粒食

五穀不登故不粒食

浚積粟百萬不能賑贍刑政苛酷

賦役殷煩忠賢內離邊釁日深人皆知其將亡而浚意

氣自若曾無懼心方更置立臺閣布列百官自謂漢高

魏武不足比也勒撫几笑曰王彭祖真可擒也浚使者

還薊

薊音計

具言石勒形執寡弱款誠無二浚大悅益驕

怠不復設備楊虎掠漢中吏民以奔成梁州人張咸

等起兵逐楊難敵

楊虎楊難敵攻漢中事始上卷上年

難敵去咸以其地

歸成於是漢嘉涪陵漢中之地

漢嘉本前漢青衣縣屬蜀郡後漢順帝陽嘉二

年改曰漢嘉蜀分立漢嘉郡

皆為成有成主雄以李鳳為梁州刺史

任回為寧州刺史李恭為荊州刺史雄虛已好賢隨才授

任

好呼到翻

命太傅驤養民於內李鳳等招懷於外刑政寬

簡獄無滯囚興學校置史官

校戶教翻

其賦民男丁歲穀三

斛女丁半之疾病又半之戶調絹不過數丈綿數兩

徒調

鈞翻賦也

事少役希

少詩召翻

民多富實新附者皆給復除

復方目翻

是時天下大亂而蜀獨無事年穀屢熟乃至閭門不閉

路不拾遺漢嘉夷王冲歸朱提審炁建寧爨邕皆歸之

朱提音鉢時炁與照同爨取亂翻夷人姓也邕與疆同居良翻

巴郡嘗告急云有晉兵

雄曰吾常憂琅邪微弱遂為石勒所滅以為耿耿

耿古幸翻

耿耿憂也

不圖乃能舉兵使人欣然然雄朝無儀品爵位濫

溢朝直
遂翻

吏無祿秩取給於民軍無部伍號令不肅此其

所短也

二月壬寅以張軌為太尉涼州牧封西平郡

公王浚為大司馬都督幽冀諸軍事荀組為司空領尚

書左僕射兼司隸校尉行留臺事劉琨為大將軍都督

并州諸軍事朝廷以張軌老病拜其子寔為副刺史

副刺

史前此
未有也

石勒纂嚴將襲王浚而猶豫未發張賓曰夫

襲人者當出其不意今軍嚴經日而不行豈非畏劉琨
及鮮卑烏桓為吾後患乎勒曰然為之奈何賓曰彼三

方智勇無及將軍者將軍雖遠出彼必不敢動且彼未

謂將軍便能懸軍千里取幽州也輕軍往返不出二旬

藉使彼雖有心比其謀議出師比必寐翻吾已還矣且劉琨

王浚雖同名晉臣實為仇敵若修牋于琨送質請和質音

致下琨必喜我之服而快浚之亡終不救浚而襲我也

用兵貴神速勿後時也勒曰吾所未了右侯已了之了決

也吾復何疑復扶又翻下敢復同遂以火宵行至栢人栢人縣屬趙國唐為

邢州堯山縣殺主簿游綸以其兄統在范陽恐泄軍謀故也

遣使奉牋送質于劉琨自陳罪惡請討浚以自效琨大

喜移檄州郡稱已與猗盧方議討勒勒走伏無地求拔

幽都以贖罪今便當遣六修南襲平陽除僭偽之敗類

降知死之逋羯

敗類謂劉聰逋羯謂石勒降戶江翻羯居謁翻

順天副民翼奉

皇家斯乃曩年積誠靈祐之所致也

浚琨為勒所玩弄而不自覺宜其相

繼而覆亡也

考異曰琨集檄首云三月庚午朔五月

甲戌按石勒以壬申克幽州蓋時晉陽尚未知也欲叙

琨事畢然後叙勒事故置此

三月勒軍達易水王浚督護孫緯馳遣

白浚

緯于貴翻

將勒兵拒之游統禁之浚將佐皆曰用兵不

厭詐必有詭計請擊之浚怒曰石公來正欲奉戴我耳

敢言擊者斬衆不敢復言浚設饗以待之壬申勒晨至

薊薊音計考異曰三十國春秋先言癸酉勒取幽州

掩薊城然則當言壬午是也叱門者開門猶疑有伏兵先驅牛羊數

千頭聲言上禮言欲以牛羊上浚以為禮上時掌翻實欲塞諸街巷塞悉則翻

浚始懼或坐或起勒既入城縱兵大掠浚左右請禦之

浚猶不許勒升其聽事中庭曰聽事言受事察訟於是漢晉皆作聽事六朝以來乃始

加厂作廳並他經翻浚乃走出堂皇堂無四壁曰皇勒衆執之勒召浚妻

與之並坐執浚立於前浚罵曰汝敢調乃公

調田聊
翻戲也

何

凶逆如此勒曰公位冠元台

冠古
玩翻

手握彊兵坐觀本朝

傾覆

朝直遙
翻下同

曾不救援乃欲自尊為天子非凶逆乎又

委任姦貪殘虐百姓賊害忠良毒徧燕土

燕於
賢翻

此誰之

罪也使其將王洛生以五百騎送浚于襄國浚自投于

水東而出之斬于襄國市勒殺浚麾下精兵萬人浚將

佐爭詣軍門謝罪饋賂交錯前尚書裴憲從侍中郎荀

綽獨不至勒召而讓之曰王浚暴虐孤討而誅之諸人

皆來慶謝二君獨與之同惡將何以逃其戮乎對曰憲

等世仕晉朝荷其榮祿

荷下可翻

浚雖凶麤猶是晉之藩臣

故憲等從之

裴憲奔幽州見八十卷懷帝永嘉五年

不敢有貳明公苟不

修德義專事威刑則憲等死自其分

分扶問翻

又何逃乎請

就死不拜而出勒召而謝之待以客禮綽昂之孫也勒

數朱碩棗嵩等以納賄亂政為幽州患

事見上卷上年數所具翻

責

游統以不忠所事皆斬之

以統欲以范陽私附之也

籍浚將佐親戚

家貲皆至巨萬惟裴憲荀綽止有書百餘袞鹽米各十

餘斛而已

褰與帙同直質翻
書卷編次成帙

勒曰吾不喜得幽州喜得

二子以憲為從事中郎綽為參軍分遣流民各還鄉里

勒停薊二日焚浚宮殿以故尚書燕國劉翰行幽州刺

史戍薊置守宰而還

還從宣翻
又如字

孫緯遮擊之勒僅而得

免勒至襄國遣使奉王浚首獻捷于漢漢以勒為大都

督督陝東諸軍事

此陝東亦取分陝
之義而授之耳

驃騎大將軍東單

于

驃足妙翻
單音蟬

增封十二郡勒固辭受二郡而已劉琨請

兵於拓跋猗盧以擊漢會猗盧所部兵騎萬餘家謀應

石勒猗盧悉誅之不果赴琨約琨知石勒無降意乃大

懼

降戶江翻

上表曰東北八州勒滅其七

勒入鄴殺都督東燕王騰寇信都殺

冀州刺史王斌襲鄆城殺兖州刺史袁孚攻新蔡殺豫州刺史新蔡王確襲蒙城擒青州都督苟晞克上白斬青州刺史李憚攻信都殺冀州刺史王象攻定陵殺兖州刺史田徽襲幽州擒王浚除李憚田徽王浚承制所授是滅其七也先朝所授存者惟臣

朝直遙翻

勒據襄國與臣隔山

山自太行恒山至于幽碣連延朝發夕至城塢駭懼雖不斷襄國在山東晉陽在山西

懷忠憤力不從願耳劉翰不欲從石勒乃歸段匹磾匹

磾遂據薊城

磾丁奚翻

王浚從事中郎陽裕耽之兄子也逃

犇令支

令支縣漢屬遼西故孤竹君之國晉省段氏據之為國都應劭曰令音鈴裴松之曰支其兒翻

師古曰令又音郎定翻杜佑曰依段疾陸眷會稽朱左令支今北平郡盧龍縣即其地

車魯國孔纂泰山胡母翼自薊逃奔昌黎依慕容廆

工會

外翻廆戶罪翻

是時中國流民歸廆者數萬家廆以冀州人為

冀陽郡

據魏收地形志冀陽郡當置於漢北平平剛縣界

豫州人為成周郡

成周

屬豫州之地故以為郡名

青州人為營丘郡

前漢志遼西臨渝縣有渝水首受白狼水南流

還營丘城西鹿所置郡也

并州人為唐國郡

并州古唐國也鹿因以名郡成周唐國二郡所

置地闕

初王浚以邵續為樂陵太守屯厭次

厭次本前漢平原郡

之富平縣後漢明帝更名厭次晉分屬樂陵為治所丁
度集韻厭於琰翻九域志曰相傳秦始皇東遊厭氣碣
石次舍於此因以為名魏收曰樂陵郡厭次縣有富城邵續居之

浚敗續附於石勒勒

以續子又為督護浚所署勃海太守東萊劉胄棄郡依
續謂續曰凡立大功必杖大義君晉之忠臣奈何從賊
以自汙乎

汙烏故翻

會段匹磾以書邀續同歸左丞相睿續

從之其人皆曰今棄勒歸匹磾其如又何續泣曰我豈
得顧子而為叛臣哉殺異議者數人勒聞之殺又續遣
劉胄使江東

使疏吏翻

睿以胄為參軍以續為平原太守石

勒遣兵圍續匹碑使其弟文騫救之勒引去 襄國大

饑穀二升直銀一斤肉一斤直銀一兩 杜弼將王真

襲陶侃於林障

水經註林障在江夏沌陽縣汭水逕沌陽縣北又東逕林障故城北宋白曰晉

江夏郡治林障義熙元年方徙夏口侃犇灞中周訪救侃擊弼兵破之灞書

涉翻丁度曰灞水名在西陽水經註潁水過江夏安陸縣而東南流分為二水東通灞水西入于沔 夏

五月西平武穆公張軌寢疾遺令文武將佐務安百姓

上思報國下以寧家已丑軌薨

考異曰帝紀作壬辰今從前涼錄鈔前涼錄

鈔又曰葬建陵蓋張祚僭號後追尊其墓耳

長史張璽等表世子寔攝父位

璽斯
氏翻

漢中山王曜趙染寇長安六月曜屯渭汭

春秋左氏

傳曰號公敗戎于渭汭杜預曰水之隈曲曰汭王肅曰汭入也呂忱曰汭者水相入也即渭水入河處汭儒稅

翻

染屯新豐索綝將兵出拒之

索昔各翻綝丑林翻

染有輕綝之

色長史魯徽曰晉之君臣自知強弱不敵將致死於我

不可輕也染曰以司馬模之彊吾取之如拉朽

事見八十七卷

懷帝永嘉五年拉落合翻

索綝小豎豈能汙吾馬蹄刀刃邪晨帥輕

騎數百逆之

汙烏故翻帥讀曰率下同

曰要當獲綝而後食綝與戰

于城西

新豐城西也

染兵敗而歸悔曰吾不用魯徽之言以

至此何面目見之先命斬徽徽曰將軍愚悞以取敗乃

復忌前害勝

復扶又翻下同悞弼力翻忌前忌人在前害勝害勝已者

誅忠良以逞

忿猶有天地將軍其得死於枕席乎詔加索綝驃騎大

將軍尚書左僕射錄尚書承制行事

驃匹妙翻

曜染復與將

軍殷凱帥衆數萬向長安

考異曰晉春秋作段凱今從麴允傳

麴允逆

戰於馮翊允敗收兵夜襲凱營凱敗死曜乃還攻河內

太守郭默于懷列三屯圍之默食盡送妻子為質請糴

於曜糴畢復嬰城固守曜怒沈默妻子於河而攻之

質音

致沈持林翻

默欲投李矩於新鄭

新鄭縣漢屬河南郡晉省其地當在滎陽郡界周宣

王弟鄭桓公本封京兆之鄭縣其子武公邑于號鄆之間遂為鄭國左傳鄭莊公曰吾先君新邑于此後遂為

新鄭縣以別京兆之鄭

矩使其甥郭誦迎之兵少不敢進

少詩會

劉琨遣參軍張肇帥鮮卑五百餘騎詣長安道阻不通

還過矩營矩說肇使擊漢兵

說翰苜翻

漢兵望見鮮卑不戰

而走默遂率衆歸矩漢主聰召曜還屯蒲坂秋趙染

攻北地麴允拒之染中弩而死

中竹仲翻

石勒始命州郡

閱實戶口戶出帛二匹穀二斛冬十月以張寔為都

督涼州諸軍事涼州刺史西平公 十一月漢主聰以

晉王粲為相國大單于摠百揆粲少有俊才自為宰相

驕奢專恣遠賢親佞嚴刻懷諫國人始惡之為後粲為
斬準所弑

張本少詩照翻遠
于願翻惡鳥路翻

周勰以其父遺言見上卷建興
元年勰音協因

吳人之怨謀作亂使吳興功曹徐馥矯稱叔父丞相從

事中郎札之命收合徒衆以討王導刁協豪傑翕然附

之孫皓族人弼亦起兵於廣德以應之沈約曰廣德縣
疑是吳所立屬

宣城郡按今廣德軍即其地宋白曰
廣德縣本秦鄣郡地漢以為故鄣縣

三年春正月徐馥殺吳興太守袁琇

琇音秀又音酉

有衆數千

欲奉周札為主札聞之大驚以告義興太守孔侃勰知

札意不同不敢發馥黨懼攻馥殺之孫弼亦死札子續

亦聚衆應馥左丞相睿議發兵討之王導曰今少發兵

則不足以平寇

少詩治翻

多發兵則根本空虛續族弟黃門

侍郎蒯

蒯夷然翻

忠果有謀請獨使蒯往足以誅續睿從之

蒯晝夜兼行至郡將入遇續於門謂續曰當與君共誅

孔府君有所論續不肯入蒯牽逼與俱坐定蒯謂孔侃

曰府君何以置賊在坐

坐卧翻

續衣中常置刀即操刀逼

廷

操千高翻

廷叱郡傳教吳曾格殺之

傳教郡吏也宣傳教令者也

廷因

欲誅勰札不聽委罪於從兄邵而誅之廷不歸家省母

從才用

翻省悉景翻

遂長驅而去母狼狽追之睿以札為吳興太

守廷為太子右衛率以周氏吳之豪望故不窮治撫勰

如舊

率如字治直之翻

詔平東將軍宋哲屯華陰

華陰縣前漢屬京兆

後漢晉屬弘農郡華戶化翻

成主雄立后任氏

二月丙子以琅

邪王睿為丞相大都督督中外諸軍事南陽王保為相

國荀組為太尉領豫州牧劉琨為司空都督并冀幽三

州諸軍事琨辭司空不受 南陽王模之敗也

見八十卷懷

帝永嘉五年

都尉陳安往歸世子保於秦州保命安將千餘

人討叛羌寵待甚厚保將張春疾之譖安云有異志請

除之保不許春輒伏刺客以刺安安被創馳還隴城

隴縣

城也前漢屬天水後漢改天水為漢陽

晉省以刺七亦翻被皮義翻創出良翻遣使詣保貢獻

不絕

使疏吏翻

詔進拓跋猗盧爵為代王置官屬食代常

山二郡

常山已為石勒所有拓跋氏建國曰代始此

猗盧請并州從事鴈門

莫含於劉琨

姓譜莫姓楚莫敖之後

琨遣之含不欲行琨曰以并

州單弱吾之不材而能自存於彊敵之間者代王之力

也吾傾身竭貲以長子為質而奉之者庶幾為朝廷雪

大恥也

琨以長子遵質於猗盧長知兩翻幾居希翻

卿欲為忠臣奈何惜共

事之小誠而忘狗國之大節乎往事代王為之腹心乃

一州之所賴也含遂行猗盧甚重之常與參大計猗盧

用灋嚴國人犯灋者或舉部就誅老幼相携而行人問

何之曰徃就死無一人敢逃匿者王敦遣陶侃甘卓

等討杜弢前後數十戰弢將士多死乃請降於丞相睿

弢土刀翻將即亮翻降戶江翻

睿不許弢遺南平太守應詹書

遺于季翻

自

陳昔與詹共討樂鄉本同休戚後在湘中懼死求生遂

相結聚

見八十七卷懷帝永嘉五年

儻以舊交之情為明枉直

為于偽翻

下使得輸誠盟府

時琅邪王睿為東南方鎮盟主故曰盟府

厠列義徒或北

清中原或西取李雄以贖前愆雖死之日猶生之年也

詹為啓呈其書且言弢益州秀才

羅尚刺益州舉弢秀才為于偽翻

素

有清望為鄉人所逼今悔惡歸善宜命使撫納以息江

湘之民

吏使疏翻

睿乃使前南海太守王運受弑降赦其反

逆之罪以弑為已東監軍

監工衡翻

弑既受命諸將猶攻之

不已弑不勝憤怒遂殺運復反

扶勝音升復又翻

遣其將杜弘

張彥殺臨川內史謝攜

吳孫亮太平二年分豫章東部都尉立臨川郡攜丑之翻

遂

陷豫章三月周訪擊彥斬之弘犇臨賀

臨賀縣漢屬蒼梧郡吳分立臨

賀郡

漢大赦改元建元

考異曰十六國春秋建元元年晉建興二年同編修劉恕

言今晉州臨汾縣嘉泉村有漢太宰劉雄碑云嘉平五年歲在乙亥二月六日立然則改建元在乙亥二月後

也

雨血於漢東宮延明殿太弟又惡之以問太傅崔

瑋太保許遐瑋遐說义曰

雨于具翻惡鳥路翻說輸芮翻

主上往日以

殿下為太弟者欲以安衆心耳其志在晉王久矣

聰子榮封

王晉王公已下莫不希旨附之今復以晉王為相國羽儀

威重踰於東宮萬機之事無不由之諸王皆置營兵以

為羽翼

事見上年

事勢已去殿下非徒不得立也朝夕且有

不測之危不如早為之計今四衛精兵不減五千

謂東宮左

右前後四衛率所統兵也

相國輕佻止煩一刺客耳

佻他彫翻

大將軍無

日不出其營可襲而取

榮弟勃海王敷時為大將軍

餘王並幼固易

奪也

易以鼓翻

苟殿下有意二萬精兵指顧可得鼓行入雲

龍門宿衛之士孰不倒戈以迎殿下者大司馬不慮其

為異也

大司馬謂中山王曜

又弗從東宮舍人荀裕告瑋遐勸又

謀反

東宮舍人太子舍人之職又以太弟居東宮

漢主聰收瑋遐於詔獄假

以他事殺之使冠威將軍卜抽將兵監守東宮

冠古玩翻監工

街翻

禁又不聽朝會

朝直遙翻

又憂懼不知所為上表乞為庶

人并除諸子之封褒美晉王請以為嗣抽抑而弗通

漢青州刺史曹窋盡得齊魯間郡縣

窋魚力翻

自鎮臨菑有

衆十餘萬臨河置戍石勒表稱寔有專據東方之志請

討之漢主聰恐勒滅寔不可復制

復扶又翻下同

弗許聰納中

護軍靳準二女月光月華

靳居愜翻

立月光為上皇后劉貴

妃為左皇后月華為右皇后左司隸陳元達極諫

聰置左右

司隸以為並立三后非禮也聰不悅以元達為右光祿大

夫外示優崇實奪其權於是太尉范隆等皆請以位讓

元達聰乃復以元達為御史大夫儀同三司月光有穢

行

行下孟翻

元達奏之聰不得已廢之月光慙恚自殺

恚於避翻

聰恨元達 夏四月大赦 六月盜發漢霸杜二陵及

薄太后陵

漢薄太后墓南陵在霸陵之南

得金帛甚多詔收其餘以實

內府 辛巳大赦 漢大司馬曜攻上黨八月癸亥敗

劉琨之衆於襄垣曜欲進攻陽曲

襄垣縣屬上黨郡陽曲琨所居也敗補邁

翻漢主聰遣使謂之曰

使疏吏翻

長安未平宜以為先曜乃

還屯蒲坂 陶侃與杜弢相攻弢使王貢出挑戰

挑徒了翻

侃遥謂之曰杜弢為益州小吏盜用庫錢父死不犇喪

卿本佳人何為隨之天下寧有白頭賊邪

言為賊者貢不得至老貢

初橫脚馬上聞侃言斂容下脚侃知可動復遣使諭之

截髮為信貢遂降於侃

貢叛侃見上卷元年降戶江翻下同

攷衆潰遁走

道死

考異曰攷傳云攷逃遁不知所在晉春秋云城潰攷投水死今從帝紀

侃與南平太

守應詹進克長沙

長沙杜攷之巢穴也

湘州悉平丞相睿承制赦

其所部進王敦鎮東大將軍加都督江揚荆湘交廣六

州諸軍事江州刺史敦始自選置刺史以下寢益驕橫

橫戶初王如之降也

見上卷懷帝永嘉六年

敦從弟稜愛如驍勇

從才用翻

驍堅堯翻請敦配已麾下敦曰此輩險悍難畜

悍下罕翻又戾

肝翻畜
許六翻

汝性狷急

狷古
掾翻

不能容養更成禍端稜固請乃

與之稜置左右甚加寵遇如數與敦諸將角射爭鬪

數所

角翻稜杖之如深以為恥及敦潛畜異志稜每諫之敦怒

其異已密使人激如今殺稜如因閑宴請劍舞為歡

稜許之如舞劍漸前稜惡而呵之

惡烏
路翻

如直前殺稜敦

聞之陽驚亦捕如誅之

初朝廷聞張光死

光死見上
卷元年

以侍中第五猗為安南將軍

考異曰周訪傳云征
南大將軍今從杜曾傳監

荆梁益寧四州諸軍事荊州刺史

監工
銜翻

自武關出杜曾

迎猗於襄陽為兄子娶猗女

為子偽翻

遂聚兵萬人與猗分

據漢沔陶侃既破杜弢乘勝進擊曾有輕曾之志司馬

魯恬諫曰凡戰當先料其將今使君諸將無及曾者未

易可逼也

易以鼓翻

侃不從進圍曾於石城

水經註沔水南逕石城西城因

山為固晉羊祜鎮荊州立晉惠帝元康九年分江夏西部都尉置竟陵郡治石城今鄂州長壽縣即其地曾

軍多騎兵

騎奇寄翻

密開門突侃陳

陳讀曰陣

出其後反擊之侃

兵死者數百人曾將趨順陽

趨七喻翻

下馬拜侃告辭而去

時荀崧都督荊州江北諸軍事屯宛

江當作沔宛於元翻

曾引兵

圍之崧兵少食盡

少詩照翻

欲求救於故吏襄城太守石覽

崧小女灌年十三帥勇士數十人

帥讀曰率下同

踰城突圍夜

出且戰且前遂達覽所又為崧書求救於南中郎將周

訪訪遣子撫帥兵三千與覽共救崧曾乃遁去曾復致

賤於崧求討丹水賊以自效

丹水縣前漢屬弘農郡後漢屬南陽郡晉屬順陽郡

賢曰丹水故城在今鄧州內鄉縣西南臨丹水復扶又翻下同

崧許之陶侃遺崧書曰

杜曾凶狡所謂鷓鴣食母之物

鷓鴣堅克翻一曰流離爾雅作鷓鴣陸璣草木疏

曰鷓也聞西人謂之流離大則食其母爾雅有茅鷓今鷓鴣也似鷹而白怪鷓即鷓鴣也鷓鴣土鷓也孔穎達

曰鴉惡聲之鳥一名鵲與集一名鵲詩瞻卬云為鵲為
集是也俗說以為土集非也陸璣疏云鴉大如班鳩綠
色惡聲之鳥也入人家凶賈誼所謂服鳥是也其肉甚
美可為羹臠又可為炙漢供御物各隨其時唯鴉冬夏
尚施之以其美

故也遺于季翻 此人不死州土未寧足下當識吾言

識職

吏翻記也

崧以宛中兵少藉曾為外援不從曾復帥流亡二

千餘人圍襄陽數日不克而還 王敦嬖人吳興錢鳳

疾陶侃之功屢毀之

嬖卑義翻又博計翻

侃將還江陵欲詣敦自

陳朱伺及安定皇甫方回諫曰公入必不出侃不從既
至敦留侃不遣左轉廣州刺史以其從弟丞相軍諮祭

酒廩為荊州刺史

從才用翻廩逸職翻又羊至翻

荊州將吏鄭攀馬雋

等詣敦上書留侃敦怒不許攀等以侃始滅大賊而更

被黜

謂滅杜強也

衆情憤惋

惋烏貫翻

又以廩忌戾難事遂帥其

徒三千人屯湏口

水經註湏水出蔡陽縣東南過隨縣又南過江夏安陸縣又東南分為二

水西入于沔者謂之湏口湏音云

西迎杜曾廩為攀等所襲犇于江安

江安縣屬南平郡武帝太康元年分孱陵置

杜曾與攀等北迎第五猗以拒

廩廩督諸軍討曾復為曾所敗敦意攀承侃風旨被甲

持矛將殺侃出而復還者數四

敗補邁翻被皮義翻復扶又翻

侃正色

曰使君雄斷當裁天下

斷丁
亂翻

何此不決乎因起如廁諮

議叅軍梅陶長史陳頌言於敦曰周訪與侃親姻如左

右手

訪與侃結友以
女妻侃子瞻

安有斷人左手而右手不應者乎

斷丁
管翻

敦意解乃設盛饌以餞之

饌雖戀翻
又雖皖翻

侃便夜發敦

引其子瞻為叅軍初交州刺史顧祕卒州人以祕子壽

領州事帳下督梁碩起兵攻壽殺之碩遂專制交州王

機自以盜據廣州

見上卷懷帝
永嘉六年

恐王敦討之更求交州

會杜弘詣機降

杜弘杜弢將也
走降機降戶江翻

弢敗弘敦欲因機以討

碩乃以降杜弘為機功轉交州刺史機至鬱林

鬱林秦桂林郡

地漢武帝平南越更置鬱林郡唐潯州桂平縣古鬱林郡所治布山縣地也

碩迎前刺史修

則子湛行州事以拒之機不得進乃更與杜弘及廣州

將溫邵交州秀才劉沈謀復還據廣州陶侃至始興

吳孫

皓甘露元年分桂陽南部都尉立始興郡治漢曲江縣唐為韶州沈持林翻

州人皆言宜觀

察形勢不可輕進侃不聽直至廣州

廣州治南海郡番禺縣

諸郡

縣皆已迎機矣杜弘遣使偽降侃知其謀進擊弘破之

遂執劉沈於小桂

秦置桂林郡漢武帝改曰鬱林郡治布山桂林為縣屬焉吳孫皓鳳凰三

年分立桂林郡因謂桂林為小桂陶弘景曰始興桂陽縣即是小桂遣督護許高討王機

走之機病死於道高掘其尸斬之諸將皆請乘勝擊溫

邵侃笑曰吾威名已著何事遣兵但一函紙自定耳乃

下書諭之邵懼而走追獲於始興杜弘詣王敦降廣州

遂平侃在廣州無事輒朝運百甕於齋外甕蒲歷翻暮

運於齋內人問其故荅曰吾方致力中原過爾優逸恐

不堪事故自勞耳王敦以杜弘為將寵任之九月漢

主聰使大鴻臚賜石勒弓矢策命勒為陝東伯陝失冉翻得

專征伐拜刺史將軍守宰封列侯歲盡集上

上時掌翻集其所授

官爵及其人之姓名而上之

漢大司馬曜寇北地詔以麴允為大

都督驃騎將軍以禦之

驃匹妙翻騎奇寄翻

冬十月以索綝為尚

書僕射都督宮城諸軍事曜進拔馮翊太守梁肅犇萬

年

秦檠陽縣漢高祖改曰萬年屬馮翊晉屬京兆

曜轉寇上郡麴允去黃白城

軍于靈武

漢北地郡之靈武縣也

以兵弱不敢進帝屢徵兵於丞

相保保左右皆曰蝮蛇螫手壯士斷腕

漢書齊王曰蝮螫手則斬手蓋

以為不如如此則流毒於一身至於死也螫音釋斷丁管翻下同腕烏貫翻

今劉曜方盛且宜

斷隴道以觀其變從事中郎裴詵曰今虵已螫頭頭可

斷乎保乃以鎮軍將軍胡崧行前鋒都督須諸軍集乃

發麴允欲奉帝往就保索綝曰保得天子必逞其私志

乃止於是自長安以西不復貢奉朝廷

復扶又翻

百官饑乏

採稻以自存

稻音呂禾自生曰稻

涼州軍士張冰得璽文曰皇

帝行璽獻於張寔僚屬皆賀寔曰是非人臣所得留遣

使歸于長安

晉諸征鎮能知君臣之分者張氏父子而已璽斯氏翻

四年春正月

司徒梁芬議追尊吳王晏右僕射索綝等引魏明帝詔

以為不可

魏明帝詔見七十一年

乃贈太保謚曰孝

考異曰本傳

晏謚敬王今從慈帝紀

漢中常侍王沈宣懷中宮僕射郭琦等

沈持林翻皆寵幸用事漢主聰游宴後宮或三日不醒或百

日不出自去冬不視朝政事一委相國粲唯殺生除拜乃使沈等入白之沈等多不白而自以其私意決之故勲舊或不叙而姦佞小人有數日至二千石者軍旅歲起將士無錢帛之賞而後宮之家賜及僮僕動至數千萬沈等車服第舍踰於諸王子弟中表為守令者三十

餘人皆貪殘為民害

謂他姓與沈等子弟有中表親者沈持林翻守式又翻

靳準

闔宗諂事之郭猗與準皆有怨於太弟猗謂相國粲

曰殿下光文帝之世孫主上之嫡子四海莫不屬心之

欲翻奈何欲以天下與太弟乎且臣聞太弟與大將軍謀

因三月上巳大宴作亂事成許以主上為太上皇大將

軍為皇太子又許衛軍為大單于

聰以子驥為大將軍子勸為衛大將軍皆

粲弟也又按時以子數為大將軍數卒後乃以驥為之

三王處不疑之地

處昌呂翻

並

握重兵以此舉事無不成者然三王貪一時之利不顧

父兄事成之後主上豈有全理殿下兄弟固不待言東

宮相國單于當在武陵兄弟何肯與人也

武陵兄弟當是父之諸子

相息亮翻

單音蟬 今禍期甚迫宜早圖之臣屢言於主上主上

篤於友愛以臣刀鋸之餘終不之信願殿下勿泄密表

其狀殿下儻不信臣可召大將軍從事中郎王皮衛軍

司馬劉惇假之恩意許其歸首

首式救翻

以問之必可知也

粲許之猗密謂皮惇曰二王逆狀主上及相國具知之矣卿同之乎二人驚曰無之猗曰茲事已決吾憐卿親

舊并見族耳因歔歔流涕

歔音虛歔許
既翻又音希

二人大懼叩頭

求哀猗曰吾為卿計卿能用之乎相國問卿卿但云有
之若責卿不先啓卿即云臣誠負死罪然仰惟主上寬
仁殿下敦睦苟言不見信則陷於誣譖不測之誅故不
敢言也皮惇許諾粲召問之二人至不同時而其辭若
一粲以為信然靳準復說粲曰殿下宜自居東宮

時義
居東

宮復扶
又翻

以領相國使天下早有所繫今道路之言皆云

大將軍衛將軍欲奉太弟為變期以季春若使太弟得

天下殿下無容足之地矣粲曰為之奈何準曰人告太

弟為變主上必不信宜緩東宮之禁使賓客得往來太

弟雅好待士

好呼到翻

必不以此為嫌輕薄小人不能無迎

合太弟之意為之謀者然後下官為殿下露表其罪

為于

偽翻殿下收其賓客與太弟交通者考問之獄辭既具則

主上無不信之理也粲乃令卜抽引兵去東宮

去年聰令卜抽

將兵監守東宮

少府陳休左衛將軍卜崇為人清直素惡沈等

惡鳥路翻下同

雖在公座未嘗與語沈等深疾之侍中卜幹謂

休崇曰王沈等勢力足以回天地卿輩自料親賢孰與

竇武陳蕃

言陳蕃之賢竇武之親且為宦官所困况休崇等乎

休崇曰吾輩年踰

五十職位已崇唯欠一死耳死於忠義乃為得所安能

俛首佞眉以事閹豎乎

佞與低同音都黎翻

去矣卜公勿復有言

復扶又翻下同

二月漢主聰出臨上秋閣

殿之西閣也

命收陳休卜

崇及特進綦母達太中大夫公師或尚書王琰田歆大

司農朱諧並誅之皆宦官所惡也卜幹泣諫曰陛下方

側席求賢而一旦戮卿大夫七人皆國之忠良無乃不

可乎藉使休等有罪陛下不下之有司

下戶稼翻

暴明其狀

天下何從知之詔尚在臣所未敢宣露

卜幹為侍中詔經門下因留之

而諫願陛下熟思之因叩頭流血王沈叱幹曰卜侍中欲

拒詔乎聽拂衣而入免幹為庶人太宰河間王易

考異曰晉春

秋易作士通今從載記

大將軍勃海王敷御史大夫陳元達金紫

光祿大夫西河王延等皆詣闕表諫曰王沈等矯弄詔

旨欺誣日月內諂陛下外佞相國威權之重侔於人主

多樹姦黨毒流海內知休等忠臣為國盡節

偽為于翻恐發

其姦狀故巧為誣陷陛下不察遽加極刑痛徹天地

徹

列翻通也

賢愚傷懼今遺晉未殄巴蜀不賓石勒謀據趙魏

曹窺欲王全齊

窺魚力翻王于況翻

陛下心腹四支何處無患乃

復以沈等助亂誅巫咸戮扁鵲臣恐遂成膏肓之疾

馬融

曰巫咸殷巫也扁鵲古良醫也秦醫緩視晉侯曰疾不可為也居膏之上肓之下攻之不可達之不及藥不至

馬杜預曰心下為膏肓也徐曰肓音荒說文曰心下曷上也扁補典翻後雖救之不可及

已請免沈等官付有司治罪

治直翻

聰以表示沈等笑曰

羣兒為元達所引遂成癡也沈等頓首泣曰臣等小人

過蒙陛下識拔得洒掃閨閣而王公朝士疾臣等如讐

又深恨陛下願以臣等膏鼎鑊

膏居號
翻潤也

則朝廷自然雍

穆矣聰曰此等狂言常然卿何足恨乎聰問沈等於相

國粲粲盛稱沈等忠清聰悅封沈等為列侯太宰易又

詣闕上疏極諫聰大怒手壞其疏

壞音怪

三月易忿恚而

卒易素忠直陳元達倚之為援得盡諫諍及卒元達哭

之慟曰人之云亡邦國殄悴

詩大雅瞻卬之
辭悴秦醉翻

吾既不復

能言安用默默苟生乎歸而自殺 初代王猗盧愛其

少子比延欲以為嗣使長子六修出居新平城而黜其

母

建興元年猗盧築新平城新平城唐謂之新城在朔州界少詩照翻長知兩翻

六修有駿馬

日行五百里猗盧奪之以與比延六修來朝

朝直遙翻

猗盧

使拜比延六修不從猗盧乃坐比延於其步輦

步輦不駕馬使

人輓之

使人導從

從才用翻

出遊六修望見以為猗盧伏謁路

左至乃比延六修慙怒而去猗盧召之不至大怒帥衆

討之為六修所敗

帥讀曰率敗補邁翻

猗盧微服逃民間有賤婦

人識之遂為六修所弑拓拔普根先守外境聞難來赴

攻六修滅之

難乃旦翻

普根代立國中，大亂新舊猜嫌迭相

誅滅。左將軍衛雄、信義將軍箕澹

澹徒覽翻，又徒濫翻。

久佐猗盧

為衆所附，謀歸劉琨。乃言於衆曰：「聞舊人忌新人，悍戰

舊人，索頭部人也。新人，晉人及鳥桓人也。悍侯肝翻，又下罕翻。」

欲盡殺之，將奈何？晉人

及鳥桓皆驚懼曰：「死生隨二將軍，乃與琨質子，遵帥晉

人及鳥桓三萬家馬牛羊十萬頭歸于琨。」

質音致，帥讀曰率，下同。

琨大喜，親詣平城撫納之。琨兵由是復振。夏四月，普根

卒，其子始生。普根母惟氏立之。

惟氏猗也之妻。

張寔下令所

部吏民有能舉其過者賞以布帛羊米賊曹佐高昌隗

瑾曰

自漢以來公府方州郡國諸曹有掾有屬有左史前漢書西域傳車師國有高昌壁唐書曰高昌國

漢車師前王庭也後破高昌置西州觀此則河西張氏固嘗於高昌之地置郡縣至後魏時始為高昌國也隗

五罪

翻今明公為政事無巨細皆自決之或興師發令府

朝不知

府朝謂僚佐所集之處朝直遙翻

萬一違失謫無所分羣下畏

威受成而已如此雖賞之千金終不敢言也謂宜少損

聰明

少詩照翻

凡百政事皆延訪羣下使各盡所懷然後採

而行之則嘉言自至何必賞也寔悅從之增瑾位三等

寔遣將軍王該帥步騎五千入援長安且送諸郡貢計

貢土物也
計計帳也

詔拜寔都督陝西諸軍事

陝失
冉翻

以寔弟茂為

秦州刺史

石勒使石虎攻劉演于廩丘幽州刺史段

匹磾使其弟文鴛救之

碑丁
奚翻

虎拔廩丘演犇文鴛軍虎

獲演弟啓以歸

寧州刺史王遜嚴猛喜誅殺

喜許
記翻

五

月平夷太守雷炤

懷帝永嘉五年遜表分犂犂朱提建寧立平夷郡即漢平夷縣二縣之地

音驚 平樂太守董霸

平樂郡證以隋志蓋置於越雋

郡之邛部川然不知誰所置也

洛 樂音帥三千餘家叛降於成

帥讀曰率
降戶江翻

六月丁巳朔

日有食之 秋七月漢大司馬曜圍北地太守麴昌

北晉

地郡領泥陽富平二縣耳

大都督麴允將步騎三萬救之曜遠城縱

火烟起蔽天使反間給允曰郡城已陷往無及也衆懼

而潰曜追敗允於礪石谷

間古覓翻敗補邁翻礪蒲官翻魏收地形志北地郡銅官

縣有石樂山

允奔還靈武曜遂取北地允性仁厚無威斷

斷丁亂翻

喜以爵位悅人

喜許記翻

新平太守竺恢始平太守楊像扶

風太守竺爽安定太守焦嵩皆領征鎮杖節加侍中常

侍村塢主帥小者猶假銀青將軍之號

征鎮四征四鎮將軍號也銀青

將軍加將軍號而假以銀印青綬帥音所賴翻然恩不及下故諸將驕恣而士

卒離怨關中危亂允告急於焦嵩嵩素侮允曰須允困

當救之曜進至涇陽渭北諸城悉潰

涇陽縣前漢屬安定郡班志曰開頭

山在縣西禹貢涇水所出東北至陽陵入渭過郡三行
千六十里此言曜至涇陽渭北諸城悉潰則其兵已在
池陽陽陵二縣間言在涇水之陽非安定之涇陽縣也
曜獲建威將軍魯充散騎

常侍梁緯少府皇甫陽曜素聞充賢募生致之既見賜

之酒曰吾得子天下不足定也充曰身為晉將國家喪

敗不敢求生

緯子貴翻將子亮翻喪息浪翻

若蒙公恩速死為幸曜曰

義士也賜之劍令自殺梁緯妻辛氏美色曜召見將妻

之妻如字辛氏大哭曰妾夫已死義不獨生且一婦人而

事二夫明公又安用之曜曰貞女也亦聽自殺皆以禮

葬之漢主聰立故張后侍婢樊氏為上皇后三后之

外佩皇后璽綬者復有七人

璽斯氏翻綬音受復扶又翻下同據載記三后二斬

氏及劉氏樊氏為四孝異曰劉聰載記曰四后之外按時斬上皇后已死唯三后耳云四誤也嬖寵

用事刑賞紊亂

嬖早義翻又博計翻紊音問

大將軍數數涕泣切諫

數所角翻聰怒曰汝欲乃公速死邪何以朝夕生來哭人數

憂憤發病卒河東平陽大蝗民流殍者什五六石勒遣

其將石越帥騎二萬屯并州招納流民

殍被表翻餓死於中野者曰殍

散而之他方者曰流時勒蓋遣越屯上黨招納并州統內也帥讀曰率騎奇計翻

民歸之者二

十萬戶聰遣使讓勒勒不受命潛與曹窳相結

窳魚力翻

八月漢大司馬曜逼長安

九月漢主宴羣臣於光極

殿引見太弟義

見賢遍翻

義容貌憔悴鬢髮蒼然涕泣陳謝

聰亦為之慟哭

悴秦醉翻為于偽翻

乃縱酒極歡待之如初焦

嵩竺恢宋哲皆引兵救長安散騎常侍華輯監京兆馮

翊弘農上洛四郡兵屯霸上

華戶化翻
監古銜翻

皆畏漢兵彊不

敢進相國保遣胡崧將兵入援擊漢大司馬曜於靈臺

破之

三輔黃圖周文王靈臺在長安西
四十里高二丈周圍百二十步

崧恐國威復振

則麴索執盛

麴允索絀也
索昔各翻

乃帥城西諸郡兵屯渭北不

進遂還槐里

槐里縣漢屬扶風
晉屬始平郡

曜攻陷長安外城麴允索

絀退保小城以自固內外斷絕城中饑甚米斗直金二

兩人相食死者大半亡逃不可制唯涼州義衆千人守

死不移

涼州義衆張軌
父子所遣兵也

太倉有麴數十麴

麴必翻

麴允屑

之為粥以供帝既而亦盡冬十一月帝泣謂允曰今窮

厄如此外無救援當忍恥出降以活士民

降戶江翻下同

因歎

曰誤我事者麴索二公也使侍中宗敞送降牋於曜考

異曰帝紀作宋敞今從晉春秋

索綝潛留敞使其子說曜曰今城中食

猶足支一年未易克也

說翰苗翻易以鼓翻

若許綝以儀同萬戶

郡公者請以城降曜斬而送之曰帝王之師以義行也

孤將兵十五年未嘗以詭計敗人

敗補邁翻

必窮兵極勢然

後取之今索綝所言如此天下之惡一也輒相為戮之

為于
偽翻

若兵食審未盡者便可勉強固守

強其
兩翻

如其糧竭

兵微亦宜早寤天命甲午宗敞至曜營乙未帝乘羊車

肉袒銜璧輿櫬出東門降

櫬初
覲翻

羣臣號泣攀車執帝手

帝亦悲不自勝

號戶刀翻
勝音升

御史中丞馮翊吉朗歎曰吾

智不能謀勇不能死何忍君臣相隨北面事劉曜乎乃

自殺曜焚櫬受璧使宗敞奉帝還宮丁酉遷帝及公卿

以下於其營辛丑送至平陽壬寅漢主聰臨光極殿帝

稽首於前

稽音
啓

翹允伏地慟哭扶不能起聰怒囚之允

自殺聰以帝為光祿大夫封懷安侯以大司馬曜為假

黃鉞大都督督陝西諸軍事太宰封秦王太叔改元麟

嘉以麴允忠烈贈車騎將軍謚節愍侯

允則忠矣然猶在吉朗之後乎

以索綝不忠斬于都市

平陽都市也

尚書梁允侍中梁濬等

及諸郡守皆為曜所殺華輯奔南山

于寶論曰昔高祖宣皇帝以雄才碩量應時而起性

深阻有若城府而能寬綽以容納行數術以御物而

知人善采拔

言胷中有城府者多不能寬容任數於用術者多不能用人而宣帝能之也於

是百姓與能

謂天下皆推其能莫與爭也

大象始構

劉良曰象法也言晉之興

成大法從此始立也

世宗承基太祖繼業咸黜異圖用融前烈

謂內誅李豐夏侯玄外平母丘儉文欽諸葛誕

至于世祖遂享皇極

呂延濟曰享當

也皇極天子位也

仁以厚下儉以足用和不弛寬而能斷

斷丁亂翻

掩唐虞之舊域班正朔於八荒

八荒謂八方之外戎荒之地

于時有天下無窮人之諺

呂尚曰言百姓盡富

雖太平未洽亦

足以明民樂其生矣

樂音洛

武皇既崩山陵未乾而變

難繼起宗子無維城之助

乾音干宗子謂八王

師尹

無具瞻之貴

詩曰赫赫師尹民具爾瞻

朝為伊周夕成桀跖

謂楊駿衛

璿張華等

國政迭移於亂人禁兵外散於四方方岳無鈞

石之鎮關門無結草之固

三十斤為鈞四鈞為石左傳秦伐晉晉魏顆敗秦師

獲杜回顓夢老人結草以亢杜回杜回躓而顛故獲之

土宇淪陷二帝失尊何

哉樹立失權託付非才四維不張而苟且之政多也

賈誼策曰禮義廉恥是謂四維四維不張國乃滅亡

夫基廣則難傾根深則難

拔理節則不亂膠結則不遷

李周翰曰理節謂政教有條理節度也膠固也

言君布仁惠之根基深廣又不失理節則人心固結而不可遷也

昔之有天下者所

以能長久用此道也周自后稷愛民十六王而武始

君之

后稷子不窋不窋子鞠鞠子公劉公劉子慶節慶節子皇僕皇僕子差弗差弗子毀隃毀隃子

公非公非子高圉高圉子亞圉亞圉子公叔祖類公叔祖類子古公亶父古公亶父子季歷季歷子文王文王子武王

凡十六王

其積基樹本如此其固今晉之興也其

創基立本固異於先代矣加以朝寡純德之人鄉乏

不貳之老

周官有鄉老不貳謂不貳過者朝直遥翻

風俗淫僻恥尚失所

言所恥者非所恥所尚者非所尚也

學者以莊老為宗而黜六經談者

以虛蕩為辯而賤名檢行身者以放濁為通而狹節

信進仕者以苟得為貴而鄙居正當官者以望空為高

而笑勤恪

呂延濟曰望空謂不識是非但望空署名而已

是以劉頌屢言治

道傳咸每糾邪正

頌咸事並見武紀惠紀治直吏翻

皆謂之俗吏其

倚杖虛曠依阿無心者皆名重海內若夫文王日昃

不暇食仲山甫夙夜匪懈者蓋共嗤黜以為灰塵矣

文王自朝至于日中昃不遑暇食用咸和萬民仲山甫夙夜匪懈以事一人

由是毀譽亂

於善惡之實情慝辨於貨欲之塗選者為人擇官官

者為身擇利

呂延濟曰言選者不復為官擇賢為官者但擇所利而趨譽音余為于偽翻

世族貴戚之子弟陵邁超越不拘資次悠悠風塵皆

奔競之士列官千百無讓賢之舉子真著崇讓而莫

之省

劉寔字子真崇讓論見八十二卷武帝太康十年省悉景翻

子雅制九班而

不得用

劉頌字子雅九班之制見同上

其婦女不知女工任情而動

有逆于舅姑有殺戮妾媵

二事皆賈后為之倡

父兄弗之罪也

天下莫之非也禮法刑政于此大壞國之將亡本必

先顛其此之謂乎

左傳曰國將亡本必先顛而後枝葉從之

故觀阮籍之

行而覺禮教崩弛之所由

事見七十八卷魏元帝景元三年行下孟翻

察

庾純賈充之爭而見師尹之多僻

事見七十九卷武帝泰始七年八年

考平吳之功而知將帥之不讓思郭欽之謀而寤中

外之有釁

平吳爭功及郭欽疏並見八十一卷武帝太康元年

覽傳玄劉毅之

言而得百官之邪

傳玄劉毅武帝時為司隸前後糾核不避貴游因其所言而得百官

也邪扶傳咸之奏錢神之論而覩寵賂之彰

傳咸奏見八十

二卷惠帝元康四年錢神論見八十三卷元康九年

民風國勢既已如此雖以

中庸之才守文之主治之

劉良曰中庸謂非賢非愚之才守文謂守常平治世

之主也治直之翻

猶懼致亂况我惠帝以放蕩之德臨之哉

懷帝承亂即位羈以彊臣愍帝犇播之後徒守虛名
天下之勢既去非命世之雄材不能復取之矣

石勒圍樂平太守韓據于沾城

楊正衡曰沾丁念翻余按武帝泰始中分上黨

太原置樂平郡治沾縣沾縣漢屬上黨郡魏收地形志
樂平縣有沾城師古曰沾音他兼翻載記誤作沾當讀

從類音據請救於劉琨琨新得拓跋猗盧之衆欲因其銳氣

以討勒箕澹衛雄諫曰

澹徒覽翻又徒濫翻

此雖晉民久淪異域

未習明公之恩信恐其難用不若且內收鮮卑之餘穀

拓跋鮮卑也

外抄諸番之牛羊

番謂劉石也抄禁交翻

閉關守險務農

息兵待其服化感義然後用之則功無不濟矣琨不從
悉發其衆命澹帥步騎二萬為前驅琨屯廣牧為之聲

援

廣牧縣漢屬朔方郡漢末省朔方置廣牧縣於
陜南屬新興郡非廣牧縣故地也帥讀曰率

石勒

聞澹至將逆擊之或曰澹士馬精彊其鋒不可當不若
且引兵避之深溝高壘以挫其銳必獲萬全勒曰澹兵
雖衆遠來疲弊號令不齊何精彊之有今寇敵垂至何
可捨去大軍一動豈易中還易以鼓翻若澹乘我之退而逼
之顧逃潰不暇焉得深溝高壘乎馬於虔翻此自亡之道也

立斬言者以孔萇為前鋒都督令三軍後出者斬勒據險要設疑兵於山上前設二伏出輕騎與澹戰陽為不勝而走澹縱兵追之入伏中勒前後來擊澹軍大破之獲鎧馬萬計雄澹帥騎千餘犇代郡帥讀曰率下同韓據棄城走并土震駭十二月乙卯朔日有食之考異曰帝紀天文志皆

誤作甲申朔宋志乙卯朔與長歷合今從之

司空長史李弘以并州降石

勒劉琨為司空以弘為長史并州時治陽曲

劉琨進退失據不知所為段匹

碑遣信邀之己未琨帥眾從飛狐犇薊

恒山在常山曲陽縣西北有

阪號飛狐口碑
丁奚翻 藺音計

匹碑見琨甚相親重與之結婚約為兄

弟勒分徙陽曲樂平民于襄國置守宰而還孔萇攻冀

澹于代郡殺之

據載記萇攻澹於桑乾則此代郡乃後魏之代郡非漢晉之代郡也萇等

攻賊帥馬嚴馮睹

帥所類翻睹張如翻嚴久而不克司睹蓋為盜於幽冀之間

冀并充流民數萬戶在遼西迭相招引民不安業勒問

計於濮陽侯張賓賓曰嚴睹本非公之深仇流民皆有戀

本之志今班師振旅選良牧守使招懷之則幽冀之寇

可不日而清遼西流民將相帥而至矣勒乃召萇等歸

以武遂令李回為易北督護兼高陽太守

武遂縣前漢屬河間國後

漢晉屬安平國易北易水以北也高陽縣前漢屬涿郡後漢屬河間國武帝泰始元年分置高陽國應劭曰在高河之陽馬嚴士卒素服回威德多叛嚴歸之嚴懼而出走

赴水死馮睹帥其衆降

帥讀曰率

回徙居易京

易京公孫瓚所築

流

民歸之者相繼於道勒喜封回為弋陽子增張賓邑千戶進位前將軍賓固辭不受丞相睿聞長安不守

出師露次

露次者出宿于野上無屋宇

躬擐甲冑

擐音官

移檄四方刻

日北征以漕運稽期斬督運令史淳于伯刑者以刀拭

柱血逆流上至柱末二丈餘而下

上時掌翻下同

觀者咸以為

冤丞相司直劉隗上言伯罪不至死請免從事中郎周

莚等官於是右將軍王導等上疏引咎請解職睿曰政

刑失中皆吾闇塞所致

寒悉則翻

一無所問隗性劔許當時

名士多被彈劾

許居謁翻被皮義翻彈徒丹翻劾戶槩翻又戶得翻

睿率皆容貸

由是衆怨皆歸之南中郎將王含敦之兄也以族彊位

顯驕傲自恣一請參佐及守長至二十許人多非其才

守式又翻長知兩翻

隗劾奏含文致甚苦

深文以致其罪

事雖被寢而王

氏深忌疾之

為王敦請誅
劉隗張本

丞相睿以邵續為冀州刺史

史續女壻廣平劉遐聚眾河濟之間

濟子禮翻

睿以遐為平

原內史

托跋普根之子又卒


托與拓通魏收
魏書本作托跋

國人立

其從父鬱律

從才
用翻

資治通鑑卷八十九



總校官庶吉士臣侍朝

校對官檢討臣王坦修

謄錄監生臣梅德

欽定四庫全書薈要

史部

資治通鑑卷

九十一

詳校官編修臣汪鏞



欽定四庫全書薈要卷七千七十六

史部

資治通鑑卷九十

宋 司馬光 撰

胡三省 音註



晉紀十二

起疆圉赤奮若盡著
雍攝提格凡三年

中宗元皇帝上

諱睿字景文宣帝曾孫琅邪武王
伯之孫恭王靚之子謚法始建國

都曰
元

建武元年

是年三月
方改元

春正月漢兵東略弘農太守宋招

犇江東

招屯華陰漢兵自長安東
略故棄城來犇守式又翻

黃門郎史淑侍御

史王冲自長安犇涼州稱愍帝出降前一日

降戶使淑

等齎詔賜張寔拜寔大都督涼州牧侍中司空承制行

事且曰朕已詔琅邪王時攝大位君其協贊琅邪共濟

多難淑等至姑臧寔大臨三日

難乃旦翻
臨力鳩翻

辭官不受初

寔叔父肅為西海太守

王莽置西海郡光武中興棄之
至獻帝興平二年武威太守張

雅請置西海郡分張掖之居延一縣以
屬之雖郡名同而非王莽西海郡之地

聞長安危逼請

為先鋒入援寔以其老弗許及聞長安不守肅悲憤而

卒

卒子

寔遣太府司馬韓璞

時張氏保據河西有太府
司馬太府少府主簿等官

蓋以都督府為大府京州撫戎將軍張閭等帥步騎一萬府為少府也璞匹角翻

東擊漢

撫戎將軍蓋張氏創置帥讀曰率騎奇寄翻

命討虜將軍陳安

沈約志魏

置將軍四十號討虜第十九

安故太守賈騫

晉志曰張茂分武興金城西平安故四郡為定

州蓋張氏分金城西平二郡地置安故郡也按安故縣二漢屬隴西郡水經注洮水自臨洮縣東流又屈而北流逕安故縣故城西又北逕狄道縣故城西北隴西太道時已置武始郡安故郡蓋即漢之一縣置郡

守吳紹各統郡兵為前驅又遺相國保書曰王室有事

不忘投軀前遣賈騫瞻公舉動中被符命敕騫還軍

符命

蓋保符下寔也遺于季翻被皮義翻

俄聞寇逼長安胡崧不進麴允持金

五百請救於崧遂決遣騫等進軍度嶺

自涼州濟河度沃于嶺至狄道

會聞朝廷傾覆為忠不遂憤痛之深死有餘責今更遣

璞等唯公命是從璞等卒不能進而還至南安

南安郡治獮道

縣卒子恆翻還從宣翻又如字

諸羌斷路

斷丁管翻

相持百餘日糧竭矢盡

璞殺車中牛以饗士泣謂之曰汝曹念父母乎曰念念

妻子乎曰念欲生還乎曰欲從我令乎曰諾乃鼓譟進

戰會張閭帥金城兵繼至夾擊大破之斬首數千級

帥讀

曰率下同先是長安謠曰秦川中血沒腕唯有涼州倚柱觀

腕烏
貫翻

及漢兵覆關中氐羌掠隴右雍秦之民死者什八

九

雍於
用翻

獨涼州安全

二月漢主聰使從弟暢

從才
用翻

帥

步騎三萬攻滎陽太守李矩屯韓王故壘相去七里

李矩

屯新鄭則韓王故壘亦在新鄭也戰
國時韓滅鄭徙都之故有故壘在焉

遣使招矩

使疏
吏翻

時

暢兵猝至矩未及為備乃遣使詐降於暢暢不復設備

大饗渠帥皆醉

降戶江翻復扶
又翻帥所類翻

矩欲夜襲之士卒皆懼

懼

恒去
王翻

矩乃遣其將郭誦禱於子產祠

子產相鄭鄭人
懷其惠為之立

祠

使巫揚言曰子產有教當遣神兵相助眾皆踊躍爭

進矩選勇敢千人使誦將之

將即亮翻

掩擊暢營斬首數千級

暢僅以身免

辛巳宋哲至建康

沈約曰建康本秣陵縣漢獻帝建安十六

年置孫權改秣陵為建業武帝平吳還為秣陵太康三年分秣陵之水北為建業愍帝即位避帝諱改為建康

稱受愍帝詔令丞相琅邪王睿統攝萬機三月琅邪王

素服出次

杜預曰出次避正寢

舉哀三日於是西陽王羨及官屬

等共上尊號

西陽王羨汝南王亮之子羨余亮翻上時掌翻

王不許羨等固請

不已王慨然流涕曰孤罪人也諸賢見逼不已當歸琅

邪耳呼私奴命駕將歸國

私奴謂私所畜養而給使令之奴非以罪沒官者羨

等乃請依魏晉故事稱晉王許之辛卯即晉王位大赦

改元始備百官立宗廟建社稷有司請立太子王愛次

子宣城公裒欲立之

裒蒲侯翻

謂王導曰立子當以德導曰

世子宣城俱有朗雋之美而世子年長

長知兩翻

王從之丙

辰立世子紹為王太子封裒為琅邪王奉恭王後

帝後大宗

故以裒奉琅邪國祀仍以裒都督青徐兗三州諸軍事鎮廣陵以

西陽王羨為太保封譙剛王遜之子承為譙王

一本作譙王承

音遜宣帝之弟子也又以征南大將軍王敦為大將軍

江州牧揚州刺史王導為驃騎將軍都督中外諸軍事

領中書監錄尚書事

驃匹
妙翻

丞相左長史刁協為尚書左

僕射右長史周顗為吏部尚書軍諮祭酒

顗魚
宣翻

賀循為

中書令右司馬戴淵王邃為尚書司直劉隗為御史中

丞行參軍劉超為中書舍人

晉志曰中書晉初置舍人
通事各一人江左令舍人

通事謂之通事
舍人掌呈奏案

參軍事孔愉長兼中書郎

長兼蓋
始於此

自餘

參軍悉拜奉車都尉掾屬拜駙馬都尉行參軍舍人拜騎

都尉

三都尉皆漢武帝置奉車都尉掌御乘輿車駙馬
都尉掌駙馬騎都尉掌監羽林騎師古曰駙副馬

也非正駕車皆為副馬一曰駙近也疾也晉武帝以宗室外戚為三都尉江左後罷奉車騎二都尉唯留駙馬都尉奉朝請諸尚公王敦辭州牧王導以敦統六州辭主者為之掾俞絹翻

中外都督賀循以老病辭中書令王皆許之以循為太

常是時承喪亂之後江東草創

廣雅曰草造也始也喪息浪翻

創刀協

久宦中朝諳練舊事

諳烏含翻悉也記也朝直遥翻

賀循為世儒宗明

習禮學凡有疑議皆取決焉

劉琨段匹碑相與歃血

同盟

碑丁奚翻歃色洽翻歃也

期以翼戴晉室辛丑琨檄告華夷遣

兼左長史右司馬溫嶠匹碑遣左長史榮邵奉表及盟

文詣建康勸進

漢之禪于魏也文帝三讓魏朝羣臣累表請順天人之望比則勸進之造端也

晉受魏禪何曾等亦然

是時愍帝蒙

嶠羨之弟子也

溫

塵四海無君琨等勸進為得其正

見八十六卷惠

嶠之從母為琨妻

母之姊妹為從母從才用翻

琨謂

嶠曰晉祚雖衰天命未改吾當立功河朔使卿延譽江

南行矣勉之王以鮮卑大都督慕容廆為都督遼左雜

夷流民諸軍事龍驤將軍大單于昌黎公廆不受

遼左即遼

東流民謂中州之民流移入遼東者廆戶罪翻驤思將翻

征虜將軍魯昌說廆曰今

兩京覆沒天子蒙塵

左傳叔帶之難襄王出于鄭使告難于魯臧文仲對曰天子蒙塵

于外敢不奔問
官守說翰芮翻

琅邪王承制江東為四海所係屬

屬之欲翻

明公雖雄據一方而諸部猶阻兵未服者蓋以官非王

命故也謂宜通使琅邪

使疏吏翻下同

勸承大統然後奉詔令

以伐有罪誰敢不從處士遼東高詡曰

處昌呂翻

霸王之資

非義不濟今晉室雖微人心猶附之宜遣使江東示有

所尊然後杖大義以征諸部不患無辭矣

晉室雖衰慕容符姚之興

其初皆借王命以自重

鹿從之遣長史王濟浮海詣建康勸進

漢相國粲使其黨王平謂太弟乂曰適奉中詔云京師

將有變宜衷甲以備非常又信之命宮臣皆衷甲以居

桀固忌刻而又亦愚甚

桀馳遣告靳準王沈

靳居愀翻
沈持林翻

準以白漢主聰曰太弟將為亂已衷甲矣聰大驚曰寧

有是邪王沈等皆曰臣等聞之久矣屢言之而陛下不

之信也聰使桀以兵圍東宮桀使準沈收氐羌酋長十

餘人窮問之

又為大單于氐羌酋長屬焉故皆服事東宮酋慈由翻長知兩翻

皆懸首

高格

格以木為之周禮牛人祭祀共其牛牲之互鄭玄曰互若今屠家之懸肉格左思吳都賦曰峭格周

施呂向曰格懸網木也

燒鐵灼目酋長自誣與又謀反聰謂沈等

曰吾今而後知卿等之忠也當念知無不言勿恨往日
言而不用也於是誅東宮官屬及義素所親厚準沈等
素所憎怨者大臣數十人阬士卒萬五千餘人

所阬者東宮四

衛之兵也

夏四月廢義為北部王

北部即匈奴後部居新興

粲尋使準賊

殺之義形神秀爽寬仁有器度故士心多附之聽聞其
死哭之慟曰吾兄弟止餘二人而不相容

漢主淵諸子此時惟聰又

二人安得使天下知吾心邪氏羌叛者甚衆以靳準行

車騎大將軍討平之五月壬午日有食之

考異曰帝紀天文

志皆云五月丙子日食按長歷是月壬午朔無丙子今以歷為据

六月丙寅溫嶠等

至建康王導周顗庾亮等皆愛嶠才爭與之交是時太

尉豫州牧荀組冀州刺史邵續青州刺史曹窋寧州刺

史王遜東夷校尉崔毖等皆上表勸進

顗魚豈翻窋魚力翻毖音祕

王不許初流民張平樊雅各聚眾數千人在譙為塢

主王之為丞相也遣行參軍譙國桓宣往說平雅平雅

皆請降

說輸芮翻降戶江翻下同

及豫州刺史祖逖出屯蘆洲遣參

軍殷乂詣平雅乂意輕平視其屋曰可作馬廐見大鑊

曰可鑄鐵器平曰此乃帝王鑊天下清平方用之奈何

毀之又曰卿未能保其頭而愛鑊邪

鑊胡郭翻鼎而無足曰鑊說文云鑊

江淮人謂之鍋
浙人謂之鑊

平大怒於坐斬又

坐徂卧翻

勒兵固守逖攻

之歲餘不下乃誘其部將謝浮使殺之

誘音酉將即亮翻

逖進

據太丘

太丘縣後漢屬沛郡晉省賢曰太丘故城在今亳州永城縣西北

樊雅猶據譙

城與逖相拒逖攻之不克請兵於南中郎將王含桓宣

時為含參軍含遣宣將兵五百助逖逖謂宣曰卿信義

已著於彼今復為我說雅

復扶又翻為于偽翻

宣乃單馬從兩人

諸雅曰祖豫州方欲平蕩劉石倚卿為援前殷乂輕薄

非豫州意也雅即詣逖降

降戶江翻

逖既入譙城石勒遣石

虎圍譙王含復遣桓宣救之虎解去逖表宣為譙國內

史己巳晉王傳檄天下稱石虎敢率犬羊渡河縱毒今

遣琅邪王裒等九軍

帥讀曰率裒蒲侯翻

銳卒三萬水陸四道徑

造賊塲

造七到翻

受祖逖節度尋復召裒還建康

復扶又翻

秋

七月大旱司冀并青雍州大蝗河汾溢漂千餘家

皆漢境也

雍於用翻

漢主聰立晉王粲為皇太子領相國大單于總

攝朝政如故

朝直遙翻

大赦

段匹碑推劉琨為大都督

碑丁奚翻

檄其兄遼西公疾陸眷及叔父涉復辰弟末桎等

會于固安

固安縣漢屬涿郡魏晉改涿郡曰范陽固安曰故安劉昫曰唐易州易縣古故安縣地

共討石勒末桎說疾陸眷涉復辰曰

說翰苜翻

以父兄而從

子弟恥也且幸而有功匹碑獨收之吾屬何有哉各引

兵還琨匹碑不能獨留亦還薊

薊音計

以荀組為司徒

八月漢趙固襲衛將軍華薈於臨潁殺之

臨潁縣屬潁川郡華

戶化翻薈烏外翻

初趙固與長史周振有隙振密譖固於漢

主聰李矩之破劉暢也於帳中得聰詔令暢既克矩還

過洛陽收固斬之以振代固矩送以示固固斬振父子

帥騎一千來降

帥讀曰率騎奇寄翻降戶江翻

矩復令固守洛陽

鄭

攀等相與拒王廙

廙羊至翻又逸職翻

衆心不壹散還橫桑口

水經

沔水東南逕江夏雲杜縣又東逕左桑周昭王溺死處也村老云百姓佐昭王喪事於此故曰佐桑左桑字失

體耳又東謂之橫桑言得昭王喪處也

欲入杜曾王敦遣武昌太守趙誘

襄陽太守朱軌擊之攀等懼請降杜曾亦請擊第五猗

於襄陽以自贖廙將赴荊州留長史劉浚鎮揚口壘

水經

註龍陂水逕郢城東北流謂之揚水水北逕
竟陵縣西又北注于沔曰揚口中夏口也

朱伺謂廩曰

伺相吏翻

曾猾賊也外示屈服欲誘官軍使西

然後兼道襲揚口耳宜大部分

言當大為部分以備曾掩襲分扶問翻

未

可使西廩性矜厲自用以伺為老怯遂西行曾等果還

趨揚口

趨七喻翻

廩乃遣伺歸裁至壘即為曾所圍劉浚自

守北門使伺守南門馬雋從曾來攻壘雋妻子先在壘

中

馬雋本與鄭攀同距王廩

或欲皮其面以示之

皮面者剝其面皮

伺曰殺

其妻子未能解圍但益其怒耳乃止曾攻陷北門伺被

傷

被皮義翻

退入船開船底以出沈行五十步乃得免

沈持林翻

潛行水底

曾遣人說伺曰

說輪芮翻

馬雋德卿全其妻子今

盡以卿家內外百口付雋雋已盡心收視卿可來也伺

報曰吾年六十餘不能復與卿作賊

復扶又翻

吾死亦當南

歸妻子付汝裁之乃就王廙於甌山病創而卒

甌山在竟陵界

隋置甌山縣屬沔陽郡創初良翻

戊寅趙誘朱軌及陵江將軍黃峻與

曾戰於女觀湖

水經註柞溪水出江陵縣北東注船官湖湖水又東北入女觀湖湖水又東入于揚

水誘等皆敗死曾乘勝逕造沔口

造七到翻

威震江沔王使

豫章太守周訪擊之訪有衆八千進至沌陽

沈約曰沌陽縣江左

立屬江夏郡水經沔水逕沔陽縣北又東逕林障故城北沔陽者沔水之陽也沈持林翻

曾銳氣甚

盛訪使將軍李恒督左甄許朝督右甄訪自領中軍曾

先攻左右甄

楊正衡曰甄音堅戰陳有左拒右拒拒方陳也有左甄右甄甄左右翼也左右拒見於周

鄭繻葛之戰左右甄之義見於楚穆王孟諸之田宋公為右孟鄭伯為左孟杜預注曰將獵張兩甄

蓋晉人以左右翼為左右甄杜預取當時之言以釋左右孟也訪於陣後射雉以安衆

射而亦翻

令其衆曰一甄敗鳴三鼓兩甄敗鳴六鼓趙誘

子胥將父餘兵屬左甄

將即亮翻

力戰敗而復合馳馬告訪

訪怒叱令更進脣號哭還戰

號戶
刀翻

自旦至申兩甄皆敗

訪選精銳八百人自行酒飲之

飲於
鳩翻

敕不得妄動聞鼓

音乃進曾兵未至三十步訪親鳴鼓將士皆騰躍奔赴

曾遂大潰殺千餘人訪夜追之諸將請待明日訪曰曾

驍勇能戰

驍堅
堯翻

向者彼勞我逸故克之宜及其衰乘之

可滅也乃鼓行而進遂定漢沔曾走保武當

武當縣漢
屬南陽郡

晉屬順陽郡縣以武當山得名唐為
均州武當郡杜佑曰郡城延岑所築

王廩始得至荊州

訪以功遷梁州刺史屯襄陽

胡子序之敗梁州陷沒故
令訪領梁州而屯襄陽

冬十月丁未琅邪王裒薨 十一月己酉朔日有食

之 考異曰帝紀天文志皆云十一月丙子日食按長

歷十月十二月皆己卯朔是月己酉朔二十八日丙

子晉書元帝紀十一月有甲子丁卯若丙子朔則甲子

丁卯乃在十月又劉琨集是年三月癸未朔八月庚辰

朔皆與長歷合今以為据

丁卯以劉琨為侍中太尉 征南軍司

戴邈上疏以為喪亂以來 喪息浪翻 庠序隳廢議者或

謂平世尚文遭亂尚武此言似之而實不然夫儒道深

與不可倉猝而成比天下平泰然後修之則廢墜已久

矣 此必 又貴遊之子未必有斬將搴旗之才

將即亮翻 擐拔取也

從軍征戍之役不及盛年使之講肄道義良可惜也

肄羊

至翻習也

世道久喪禮俗日弊猶火之消膏莫之覺也今王

業肇建萬物權輿

爾雅曰權輿始也

謂宜篤道崇儒以勵風化

王從之始立太學

漢主聰士畋以愍帝行車騎將軍

戎服執戟前導見者指之曰此故長安天子也聚而觀

之故老有泣者太子粲言於聰曰昔周武王豈樂殺紂

乎

樂音洛

正恐同惡相求為患故也今興兵聚衆者皆以

子業為名不如早除之聰曰吾前殺庾珉輩

殺庾珉事見八十八

卷建興元年

而民心猶如是吾未忍復殺也

復扶又翻

且小觀之

十二月聰饗羣臣于光極殿使愍帝行酒洗爵已而更

衣又使之執蓋晉臣多涕泣有失聲者尚書郎隴西辛

賓起抱帝大哭聰命引出斬之

使之執戟前導使之行酒洗爵使之執蓋所以

屈辱之至此極矣劉聰之意正以此觀晉舊臣及遺黎之心也更工衡翻

趙固與河內太守

郭默侵漢河東至絳

絳縣故晉都也漢屬河東郡晉屬平陽郡劉昫曰唐絳州曲沃縣漢

地絳縣

右司隸部民犇之者三萬餘人

聰分司隸為左右

騎兵將

軍劉勲追擊之

寄奇翻

殺萬餘人固默引歸太子粲帥將

軍劉雅生等步騎十萬屯小平津

帥讀曰率

固揚言曰要當

生縛劉粲以贖天子粲表於聰曰子業若死民無所望

則不為李矩趙固之用不攻而自滅矣戊戌帝遇害

於平陽

年十八

粲遣雅生攻洛陽固犇陽城山

河南陽城縣有陽城

山

是歲王命課督農功二千石長吏以入穀多少為

殿最

長知兩翻少詩
沼翻殿丁練翻

諸軍各自佃作即以為稟

佃音田
稟給也

氏王揚茂搜卒長子難敵立與少子堅頭分領部曲

少詩
照翻

難敵號左賢王屯下犇堅頭號右賢王屯河池

下犇

河池二縣皆屬武都郡師古曰辨皮莧翻劉昫曰辨步莧翻下辨唐為成州同谷縣河池唐為武州盤隄縣

河南王吐谷渾卒

吐谷渾史家傳讀吐從墩入聲谷音欲

吐谷渾者慕

容廐之庶兄也父涉歸分戶一千七百以隸之及廐嗣

位二部馬闐廐遣使讓吐谷渾曰先公分建有別

廐戶罪翻

別列翻彼奈何不相遠異

遠異者言遠去以相別異

而令馬有闐傷吐谷

渾怒曰馬是六畜

六畜馬牛羊犬豕雞畜許六翻

闐乃其常何至怒及

於人欲遠別甚易恐後會為難耳今當去汝萬里之外

遂帥其衆西徙

易以致翻帥讀曰率

廐悔之遣其長史乙那婁馮

追謝之

那與那同乙那婁虜三字姓

吐谷渾曰先公嘗稱卜筮之言

云吾二子皆當彊盛祚流後世我孽子也

孽魚列翻理庶出為孽

無並大今因馬而別殆天意乎遂不復還西傳陰山而

居

復扶又翻傳讀曰附

屬永嘉之亂

屬之欲翻會也

因度隴而西據洮水

之西極于白蘭地方數千里

沙州記曰洮水出強臺山東北流逕吐谷渾中又東

北流入塞此洮西塞外洮水之西也即沙漲沓中之地
白蘭山名羌所居也至唐時丁零羌居之左屬党項石

與多彌接杜佑曰白蘭羌之別種東北接吐谷渾
西至此利模徒南界郡鄂風俗物產與宕昌同

鮮卑

謂兄為阿干鹿追思之為之作阿干之歌吐谷有子六十

人長子吐延嗣

為子偽翻
長知兩翻

吐延長大有勇力羌人皆畏

之吐谷渾
事始此

大興元年

是年三月
方改元

春正月遼西公疾陸眷卒其子幼

叔父涉復辰自立段匹磾自薊往犇喪段末柸宣言匹

磾之來欲為篡也匹磾至右北平

劉昫曰唐薊州漁陽
縣古右北平郡治所

涉復辰發兵拒之末柸乘虛襲涉復辰殺之并其

磾丁奚翻

子弟黨與自稱單于迎擊匹磾敗之

單音蟬敗
補邁翻

匹磾走

還薊

薊音計

三月癸丑愍帝凶問至建康王斬縗居廬

綾倉回翻儀禮斬衰倚廬孟康曰倚廬倚牆至地為之
無楣柱喪服大記父母之喪居倚廬不塗君為廬宮之
大夫士禮之既葬柱楣塗廬不於顯者君大夫士皆宮
之正義曰居倚廬者謂於中門之外東墻下倚木為廬
不塗者但以章夾障不塗之也宮之者謂廬外以帷幃
之如宮墻禮之言袒也其廬袒露不帷障也既葬柱楣
者既葬情殺故柱楣稍舉以納日光又以泥塗辟風寒
不於顯者塗廬不塗廬外顯處君大夫士皆宮之者既
葬故得百官請上尊號上時掌翻王不許紀瞻曰晉氏統絕
皆宮之

於今二年陛下當承大業顧望宗室誰復與讓若光踐
大位則神民有所憑依苟為逆天時違人事大勢一去

不可復還

復扶又翻

今兩都燔蕩宗廟無主劉聰竊號於西

北而陛下高讓於東南此所謂揖讓而救火也王猶

不許使殿中將軍韓績徹去御坐

殿中將軍屬二衛晉初置朝會宴饗則戎

服直侍左右夜開諸城門則執白虎幡監之坐徂臥翻下帝坐同

瞻叱績曰帝坐上應

列星

天文志帝坐在紫宮中

敢動者斬王為之改容

偽為于

奉朝請

周嵩上疏曰

王為丞相以嵩為參軍及為晉王拜奉朝請晉志曰奉朝請者奉朝會請召而已

古之王者義全而後取讓成而後得是以享世長久重

光萬載也

重直龍翻載子亥翻

今梓宮未返舊京未清義夫泣血

士女遑遑宜開延嘉謀訓卒厲兵先雪社稷大恥副四

海之心則神器將安適哉由是忤旨出為新安太守

孫權

分丹陽立新都郡武帝太康元年改名新安郡劉昫曰新安郡唐之歙州忤五故翻又坐怨望抵

罪高顗之弟也

顗魚豈翻

丙辰王即皇帝位百官皆陪列帝

命王導升御床共坐導固辭曰若太陽下同萬物蒼生

何由仰照帝乃止大赦改元文武增位二等帝欲賜諸

吏投刺勸進者加位一等民投刺者皆除吏凡二十餘

萬人

毛晃曰書姓名於奏白曰刺

散騎常侍熊遠曰陛下應天繼統

率土歸戴豈獨近者情重遠者情輕不若依漢法徧賜

天下爵於恩為普

漢自惠帝嗣位賜民爵一級有官秩者以歲數為差其後諸帝初即位率

賜民爵一級

且可以息檢覈之煩塞巧偽之端也

塞悉則翻

帝不

從 庚午立王太子紹為皇太子太子仁孝喜文辭善

武藝好賢禮士

喜許記翻
好呼到翻

容受規諫與庾亮溫嶠等為

布衣之交亮風格峻整善談老莊帝器重之聘亮妹為

太子妃帝以賀循行太子太傅周顗為少傅庾亮以中

書郎侍講東宮帝好刑名家以韓非書賜太子庾亮諫

曰申韓刻薄傷化不足留聖心太子納之 帝復遣使

授慕容廆龍驤將軍大單于昌黎公廆辭公爵不受廆

廆辭

公爵不受外為謙讓其志不肯爵爵於廆以游邃為龍昌黎也復扶又翻使䟽吏翻驤思將翻

驤長史劉翔為主簿命邃創定府朝儀灋

朝直遥翻

裴疑言

於廆曰晉室衰微介居江表

介獨也疑魚力翻

威德不能及遠

中原之亂非明公不能拯也

拯救也

今諸部雖各擁兵然

皆頑愚相聚宜以漸并取以為西討之資

西討謂自遼東進兵西入

中州也廆曰君言大非孤所及也然君中朝名德不以孤

僻陋而教誨之是天以君賜孤而祐其國也乃以疑為

長史委以軍國之謀諸部弱小者稍稍擊取之 李矩

使郭默郭誦救趙固屯于洛汭

水經洛水東北過鞏縣東又北入于河夏五子

溪太康于洛汭即其地

誦潛遣其將耿稚等夜濟河襲漢營

據李矩傳

時梁營于孟津北岸

漢貝丘王翼光覘知之

覘丑廉翻又丑艷翻

以告太子

梁請為之備梁曰彼聞趙固之敗自保不暇安敢來此

邪母為驚動將士俄而稚等奄至十道進攻梁眾驚潰

死傷大半梁走保陽鄉

陽鄉蓋春秋陽樊之地在汲郡修武縣界

稚等據其

營獲器械軍資不可勝數

勝音升

及旦梁見稚等兵少更

與劉稚生收餘衆攻之漢主聰使太尉范隆帥騎助之

少詩照翻帥讀
曰率騎奇寄翻

與稚等相持苦戰二十餘日不能下李

矩進兵救之漢兵臨河拒守矩兵不得濟稚等殺其所

獲牛馬焚其軍資突圍奔虎牢

河南成臯縣鄭之虎牢也穆天子傳曰七萃之

士生捕虎即獻天子天子畜之東虢號曰虎牢其後劉裕復中原置河南四鎮虎牢其一也

詔以矩

都督河南三郡諸軍事

三郡河南滎陽弘農也

漢螽斯則百堂

災

螽斯則百堂取螽斯子孫衆多思齊則百斯男之義

燒殺漢主聰之子會稽王

康等二十一人

會工外翻

聰以其子濟南王驥為大將軍

都督中外諸軍事錄尚書齊王勣為大司徒

濟子禮翻勣音邁

焦嵩陳安舉兵逼上邽相國保遣使告急於張寔寔遣

金城太守竇濤督步騎二萬赴之軍至新陽

晉志新陽縣屬天水

郡何承天曰魏立水經註渭水過冀縣又東出峽入新陽川新陽縣蓋置于此聞愍帝崩保

謀稱尊號破羌都尉張詵言於寔曰南陽王國之疏屬

忘其大恥而亟欲自尊

君父皆死於賊手保之大恥也

必不能成功晉

王近親且有名德當帥天下以奉之

保宣帝之從曾孫故曰疏屬帝宣帝

之曾孫故曰近寔從之遣牙門蔡忠奉表詣建康比至

親帥讀曰率

帝已即位

比必寢翻

寔不用江東年號猶稱建興

河西張氏用建興年

號歷九世四十九年至孝宗升平五年張天錫乃奉升平年號

夏四月丁丑朔日有

食之

加王敦江州牧王導驃騎大將軍開府儀同三

司導遣八部從事行揚州郡國

揚州時統丹陽會稽吳吳興宣城東陽臨海新

安八郡故分遣部從事八人行下孟翻

還同時俱見諸從事各言二千石

官長得失

兩長知翻

獨顧和無言導問之和曰明公作輔寧

使網漏吞舟

漢書刑法志曰漢興之初雖有約法三章網漏吞舟之魚師古曰言䟽濶吞舟謂大

也魚何緣採聽風聞以察察為政邪導咨嗟稱善和榮之

族子也 成丞相范長生卒成主雄以長生子侍中賁

為丞相長生博學多藝能年近百歲蜀人奉之如神

近其

新翻 漢中常侍王沈養女有美色 沈持林翻 漢主聰立以為

左皇后尚書令王鑒中書監崔懿之中書令曹恂諫曰

臣聞王者立后比德乾坤 乾父道也坤母道也 后比德焉 生承宗

廟沒配后土必擇世德名宗幽閑令淑 詩關雎窈窕淑女毛註云窈窕

幽閑也淑善也 乃副四海之望稱神祇之心 稱尺證翻 孝成帝

以趙飛鸞為后使繼嗣絕滅社稷為墟此前鑑也 事見三十

二卷漢哀帝建平元年

自麟嘉以來

愍帝建興之四年漢麟嘉之元年

中宮之位

不以德舉借使沈之弟女刑餘小醜猶不可以塵汙椒

房

汙鳥路翻

况其家婢邪六宮妃嬪皆公子公孫奈何一旦

以婢主之臣恐非國家之福也聰大怒使中常侍宣懷

謂太子粲曰鑒等小子狂言侮慢無復君臣上下之禮

其速考實於是收鑒等送市皆斬之金紫光祿大夫王

延馳將入諫門者弗通鑒等臨刑王沈以杖叩之曰庸奴

復能為惡乎乃公何與汝事

與讀曰預

鑒瞋目叱之曰豎子

滅大漢者正坐汝鼠輩與靳準耳

賔七人翻
靳居帳翻

要當訴汝

於先帝取汝於地下治之

治直翻

準謂鑒曰吾受詔收君

有何不善君言漢滅由吾也鑒曰汝殺皇太弟使主上

獲不友之名國家畜養汝輩何得不滅

畜許六翻

懿之謂準

曰汝心如梟獍

梟食母破獍食父破獍如驅而虎身身一作眼

必為國患汝既

食人人亦當食汝聰又立宣懷養女為中皇后司徒

荀組在許昌逼於石勒帥其屬數百人渡江

帥讀日率

詔組

與太保西陽王羨並錄尚書事段匹磾之犇疾陸眷

喪也劉琨使其世子羣送之匹磾敗羣為段末柁所得
末柁厚禮之許以琨為幽州刺史欲與之襲匹磾密遣
使齎羣書請琨為內應為匹磾邏騎所得碑丁奚翻時
琨別屯征北小城不知也征北小城蓋征北將軍所治來見匹磾匹

磾以羣書示琨曰意亦不疑公是以白公耳琨曰與公

同盟庶雪國家之恥若兒書密達亦終不以一子之故

負公而忘義也匹磾雅重琨

雅素也

初無害琨意將聽還

屯其弟叔軍謂匹磾曰用兵以來所以能服晉人者畏

吾衆也今我骨肉乖離

謂與末桎相攻也

是其良圖之日若有奉

琨以起吾族盡矣匹碑遂留琨琨之庶長子遵懼誅與

琨左長史楊橋等閉門自守

長知兩翻

匹碑攻拔之代郡太

守辟閭嵩

姓譜衛文公支孫居楚丘營辟閭里因為辟閭氏

後將軍韓據復潛

謀襲匹碑事泄匹碑執嵩據及其徒黨悉誅之五月癸

丑匹碑稱詔收琨縊殺之并殺其子姪四人

縊於賜翻又於計翻

琨從事中郎盧諶崔悅等帥琨餘衆犇遼西

諶氏壬翻帥讀曰率

下依段末柸奉劉羣為主將佐多犇石勒悅林之曾孫

也

崔林仕魏位至司空

朝廷以匹磾尚彊冀其能平河朔乃不為

琨舉哀

為于偽翻下同

溫嶠表琨盡忠帝室家破身亡宜在褒恤

盧諶崔悅因末桎使者亦上表為琨訟寃後數歲乃贈

琨太尉侍中謚曰愍於是夷晉以琨死皆不附匹磾末

桎遣其弟攻匹磾匹磾帥其衆數千將犇邵續勒將石

越邀之於鹽山

鹽山在渤海高城縣隋改高城曰鹽山縣宋白曰鹽山在縣東南八十里匹磾

與琨結盟同獎晉室既殺琨而匹磾之勢亦衰終為石勒禽矣

大敗之

敗補

匹磾復還

保薊末桎自稱幽州刺史初溫嶠為劉琨奉表詣建康

其母崔氏固止之嶠絕裾而去既至屢求返命朝廷不

許會琨死除散騎侍郎嶠聞母亡阻亂不得奔喪臨葬

固讓不拜苦請北歸詔曰凡行禮者當使理可經通

經常

也今桀逆未梟

梟堅堯翻

諸軍奉迎梓宮猶未得進嶠以一

身於何濟其私難

難乃旦翻

而不從王命邪嶠不得已受拜

初曹窺既據青州乃叛漢來降

謂遣使詣建康奉表勸進也窺魚力翻

又以建康懸遠勢援不接復與石勒相結勒授窺東州

大將軍青州牧封琅邪公

曹窺反側二國之間終為人禽而已矣復扶又翻

六月甲申以刁協為尚書令苟崧為左僕射協性剛悍

與物多忤

悍戾肝翻又下罕翻忤五故翻

與侍中劉隗俱為帝所寵任

隗五罪翻

欲矯時弊每崇上抑下排沮豪彊

沮在呂翻

故為王氏

所疾諸刻碎之政皆云隗協所建協又使酒放肆侵毀

公卿見者皆側目憚之

為刁協見殺張本

戊戌封皇子晞為

武陵王

劉虎自朔方侵拓拔鬱律西部

虎徙朔方見八十七卷懷

帝永嘉四年

秋七月鬱律擊虎大破之虎走出塞從弟路孤

帥其部落降于鬱律

帥讀曰率降戶江翻

於是鬱律西取烏孫故

地東蕪勿吉以西

唐書北狄列傳曰黑水靺鞨居肅慎地亦曰挹婁元魏謂之勿吉通鑑蓋

因魏收魏書書之鬱律所取者勿吉以西之地未能蕪勿吉也徒河慕容令支段氏及宇文部高句麗亦非鬱

律所能制伏

士馬精彊雄於北方

漢主聰寢疾徵大司馬

曜為丞相石勒為大將軍皆錄尚書事受遺詔輔政曜

勒固辭乃以曜為丞相領雍州牧

雍於用翻

勒為大將軍領

幽冀二州牧勒辭不受以上洛王景為太宰濟南王驥

為大司馬

濟子禮翻

昌國公顗為太師

顗魚宣翻

朱紀為太傅呼

延宴為太保並錄尚書事范隆守尚書令儀同三司斬

準為大司空領司隸校尉皆迭決尚書奏事癸亥聰卒

甲子太子粲即位

粲字士光

尊皇后靳氏為皇太后樊氏號

弘道皇后武氏號弘德皇后王氏號弘孝皇后立其妻

靳氏為皇后子元公為太子大赦改元漢昌葬聰於宣

光陵謚曰昭武皇帝廟號烈宗靳太后等皆年未盈二

十粲多行無禮無復哀戚靳準陰有異志私謂粲曰如

聞諸公欲行伊霍之事先誅太保及臣以大司馬統萬

機陛下宜早圖之粲不從準懼復使二靳氏言之

二靳氏聰

后與粲后靳居
愀翻復扶又翻粲乃從之收其太宰景大司馬驥驥母

弟車騎大將軍吳王暹太師顗大司徒齊王勣皆殺之

顗魚豈翻朱紀范隆犇長安犇劉曜也八月粲治兵於上林

謀討石勒盖起上林苑於平陽治直之翻以丞相曜為相國都督中外

諸軍事仍鎮長安靳準為大將軍錄尚書事粲常遊宴

後宮軍國之事一決於準準矯詔以從弟明為車騎將

軍康為衛將軍從才用翻準將作亂謀於王延延弗從馳將

告之將以準謀告粲遇靳康劫延以歸準遂勒兵升光極殿使

甲士執粲數而殺之

數所具翻

謚曰隱帝劉氏男女無少長

皆斬東市

少詩照翻長知兩翻

發永光宣光二陵

淵墓號永光陵

斬聰屍

焚其宗廟準自號大將軍漢天王稱制置百官謂安定

胡嵩曰自古轉亡為存者有之今以傳國璽付汝還如

晉家

洛陽之陷傳國璽遷於平陽如往也璽斯氏翻

嵩不敢受準怒殺之遣使

告司州刺史李矩曰劉淵屠各小醜

屠直於翻

因晉之亂矯

稱天命使二帝幽沒輒率衆扶持梓宮請以上聞矩馳

表于帝帝遣太常韓侂等奉迎梓宮漢尚書北宮純等

招集晉人堡於東宮靳康攻滅之

北宮純降漢見八十卷懷帝永嘉五年

準欲以王延為左光祿大夫延罵曰屠各逆奴何不速

殺我以吾左目置西陽門觀相國之入也

以劉曜將自西進兵也

右目置建春門觀大將軍之入也

以石勒將自東進兵也

準殺之

相國曜聞亂自長安赴之石勒帥精銳五萬以討準據

襄陵北原

帥讀曰率襄陽縣漢屬河東郡晉屬平陽郡師古曰晉襄公之陵因以名縣據水經註襄

陵在平陽東南準數挑戰

數所角翻挑徒了翻

勒堅壁以挫之冬十月曜

至赤壁

水經註河東皮氏縣西北有赤石川

太保呼延晏等自平陽歸之

與太傅朱紀等共上尊號

上時掌翻

曜即皇帝位

曜字永明淵之族子

大赦惟斬準一門不在赦例改元元光初以朱紀領司

徒呼延晏領司空太尉范隆以下悉復本位以石勒為

大司馬大將軍加九錫贈封十郡進爵為趙公勒進攻

準於平陽巴及羌羯降者十餘萬落

巴巴氐也魏武平漢中遷巴氐于關

中其後種類滋蔓河東平陽皆有之羯居謁翻

勒皆徙之於所部郡縣漢主曜

使征北將軍劉雅鎮北將軍劉策屯汾陰

汾陰縣漢屬河東郡晉省

與勒共討準 十一月乙卯日夜出高三丈

高居奧翻

詔

以王敦為荊州牧加陶侃都督交州諸軍事敦固辭州

牧乃聽為刺史 庚申詔羣公卿士各陳得失御史中

丞熊遠上疏以為外蕃猾夏

孔安國曰猾亂也夏華夏夏戶雅翻

梓宮未

返而不能遣軍進討一失也羣官不以讐賊未報為恥

務在調戲酒色而已二失也

諧謔以相調戲

選官用人不料實

德惟在白望不求才幹惟事請託當官者以治事為俗

吏

治直之翻

奉瀾為苛刻盡禮為諂諛從容為高妙

從千放容翻

蕩為達士驕蹇為簡雅三失也世之所惡者陸沈泥滓

惡鳥路翻司馬彪曰陸沈謂無水而沈之沈持林翻時之所善者翱翔雲霄是以

萬機未整風俗偽薄朝廷羣司以從順為善相違見貶

安得朝有辨爭之臣士無祿仕之志乎朝直遙翻古之取士

敷奏以言

舜典曰敷奏以言孔安國註曰敷陳奏進也各使陳進治體之言

今光祿不

試甚違古義

此即謂秀孝不試而署吏

又舉賢不出世族用法不及

權貴是以才不濟務姦無所懲若此道不改求以救亂

難矣先是帝以離亂之際欲慰悅人心州郡秀孝至者不

試普皆署吏

秀孝謂州郡所舉秀才及孝廉先悉薦

尚書陳頤亦上言宜

漸循舊制試以經策

晉初秀孝以經策中第者若華譚之類是也顧於倫翻又居筠翻

帝從之仍詔不中科者刺史太守免官

欲罪舉主也中竹仲翻

於

是秀孝皆不敢行其有到者亦皆託疾比三年無就試

者

比必寐翻

帝欲特除孝廉已到者官尚書郎孔坦奏議以

為近郡懼累君父皆不敢行

累力瑞翻君父謂刺史太守

遠郡冀於

不試冒昧來赴今若偏加除署是為謹身奉灋者失分

僥倖投射者得官

分扶問翻投射謂投機而射利也

顏風傷教恐從此

始不若一切罷歸而為之延期

為于偽翻延遠也

使得就學則

灋均而令信矣帝從之聽孝廉申至七年乃試

申寬坦展也

愉之從子也

從才用翻

靳準使侍中卜泰送乘輿服御請

和於石勒

乘繩證翻

勒囚泰送於漢主曜曜謂泰曰先帝末

年實亂大倫

先帝謂粲也亂倫謂烝其諸母

司空行伊霍之權使朕及

此其功大矣若早迎大駕者當悉以政事相委况免死

乎卿為朕入城具宣此意

為于偽翻

泰還平陽準自以殺曜母

兄沈吟未從

曜母胡氏為準所殺兄則史失其名沈吟猶豫不決之意沈持林翻

十二月左

右車騎將軍喬泰王騰衛將軍靳康等相與殺準推尚

書令斬明為主遣卜泰奉傳國六璽降漢

降戶江翻

石勒大

怒進軍攻明明出戰大敗乃嬰城固守丁丑封皇子

煥為琅邪王煥鄭夫人之子生二年矣帝愛之以其疾

篤故王之已卯薨帝以成人之禮葬之備吉凶儀服營

起園陵功費甚廣琅邪國右常侍會稽孫霄

晉志王國置左右常

侍各上疏諫曰古者凶荒殺禮

殺所戒翻降也減也

況今海內喪

亂喪息浪翻

憲章舊制猶宜節省而禮典所無顧崇飾如是

乎葬無服之殤以成人之禮古典所無也

竭已罷之民營無益之事

罷讀日疲

殫已困之財修無用之費此臣之所不安也帝不從

彭城內史周撫殺沛國內史周默以其衆降石勒詔下

邳內史劉遐領彭城內史與徐州刺史蔡豹泰山太守

徐龕共討之豹質之玄孫也

蔡質漢人蔡邕之叔父龕口含翻

石虎

帥幽冀之兵會石勒攻平陽靳明屢敗遣使求救於漢

漢主曜使劉雅劉策迎之明帥平陽士女萬五千人犇

漢

帥讀曰率

曜西屯粟邑

粟邑縣屬馮翊郡

收靳氏男女無少長皆

斬之

少詩照翻長知兩翻

曜迎其母胡氏之喪於平陽葬于粟邑

號曰陽陵謚曰宣明皇太后石勒焚平陽宮室使裴憲

石會修永光宣光二陵收漢主粲已下百餘口葬之置

戍而歸 成梁州刺史李鳳數有功數所成主雄兄子

稚在晉壽疾之晉壽縣屬梓潼郡何承天曰晉惠帝立晉壽縣沈約曰案晉起居注武帝太康

元年改梓潼之漢壽曰晉壽漢壽之名疑是蜀立云惠帝立非也鳳以巴西叛雄自至

涪使太傅驤討鳳斬之以李壽為前將軍督巴西軍事

涪涪音浮

資治通鑑卷九十